



KEMENTERIAN PERTANIAN DAN KETERJAMINAN MAKANAN

Ministry of Agriculture and Food Security

Wisma Tani

No 28, Persiaran Perdana, Presint 4

Pusat Pentadbiran Kerajaan Persekutuan

62624 PUTRAJAYA,

MALAYSIA

No. Telefon : 03-8000 8000

No. Faks : 03-8888 6020

Laman Web : www.kpk.gov.my

SIARAN MEDIA

MAKLUM BALAS MEDIA

PENINGKATAN HARGA UNTUK BERAS 10KG

PUTRAJAYA, 23 JUN 2023 : Pengarah Urusan Pasar Raya Besar Mydin Ameer Ali Mydin dalam akhbar *online Free Malaysia Today* bertarikh 23 Jun 2023 mendakwa akan ada peningkatan harga lagi antara RM1 hingga RM2 untuk beras 10kg bulan depan.

Kementerian Pertanian dan Keterjaminan Makanan (KPKM) telah mengambil tindakan segera bagi memastikan harga pasaran beras tempatan dalam negara sentiasa stabil dan terkawal dengan mengeluarkan surat arahan bertarikh 16 Jun 2023 berhubung penetapan harga kawalan maksima jualan beras tempatan di peringkat kilang dan borong.

Melalui surat arahan tersebut, semua pemegang Lesen Kilang Padi Komersil dan Lesen Borong Beras adalah dikehendaki mematuhi harga kawalan maksima yang ditetapkan berkuatkuasa 16 Jun 2023.

KPKM ingin menegaskan bahawa harga kawalan maksima beras Super Spesial Tempatan 5% (SST5) di peringkat runcit adalah dikawal pada kadar RM2.60/kg seperti mana yang termaktub di dalam peruntukan Akta Kawalan Padi dan Beras 1994 [Akta 522].

Beras putih import pula adalah beras yang tidak dikawal harganya oleh Kerajaan. Pada masa ini, harga pasaran beras putih import di peringkat runcit majoritinya masih berada di paras RM32 dan ke bawah bagi setiap beg 10 kilogram. Ini merupakan paras harga pasaran yang normal bagi gred beras putih import, dan ianya bergantung kepada permintaan terhadap beras import.

Pada masa ini, harga pasaran beras dalam negara adalah stabil memandangkan harga jualan bagi 70% bekalan beras tempatan dalam negara adalah dikawal oleh Kerajaan. Pemantauan berterusan KPB juga dijalankan di peringkat runcit dan borong di seluruh negara bagi memastikan harga dan bekalan beras sentiasa stabil di pasaran negara.

KEMENTERIAN PERTANIAN DAN KETERJAMINAN MAKANAN

23 JUN 2023